



Møteprotokoll for Kommunestyret

Møtedato: 09.12.2021
Møtestad: Øvre Helland samfunnshus
Møtetid: 09:00 - 15:00

Frammøtte medlemmer	Parti	Rolle	Merknad
Kjetil Eikefet	SA	Ordfører	
Ove Eidsnes	SA	Medlem	
Liv Anne Aanesen	SA	Medlem	
Anne Britt Almelid	SA	Medlem	
Marit Kristin Nese	SA	Medlem	
Roger Wilhelm Fure	SA	Medlem	
Ann-Jorunn Farestveit	SO	Varaordfører	
Linda Neset	SO	Medlem	
Robert Helland	SO	Medlem	
Håvard Engeseth	SO	Medlem	
Ole Kristian Øvre Helland	SO	Medlem	
Sigrunn Almelid Birkeland	SO	Medlem	

Forfall meldt frå medlem:	Parti	Rolle	Merknad
Kristin Nåmdal	SA	Medlem	Meldt forfall

Frammøtte varamedlemmer:	Parti	Rolle	Merknad
Inga Jorunn Nåmdal	SA	Varamedlem	Vara for Kristin Nåmdal

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Møtesekretær	
Ove Sæbø	Assisterande rådmann	Administrasjon	
Tone Selmer Skuggevik	Teknisk sjef	Administrasjon	
Magne Verpelstad	Økonomisjef	Administrasjon	

Sakliste

Saknr	Tittel
051/2021	Godkjenning av innkalling og sakliste
052/2021	Godkjenning av møteprotokoll
053/2021	Referatsaker
054/2021	Orienteringssaker
055/2021	Ny felles forskrift om innsamling og handsaming av hushaldsavfall og delegasjon av mynde for deltakarkommunane i NGIR
056/2021	Forskrift for slamtømming i Modalen kommune
057/2021	Leve heile livet i Modalen - plandokumentet
058/2021	Møteplan vår 2022
059/2021	Budsjett og økonomiplan 2022 - 2025

Notat frå møtet:

051/2021: Godkjenning av innkalling og saksliste

Behandling:

Samrøystes vedteke

Vedtak:

Innkalling og sakliste vert godkjent

052/2021: Godkjenning av møteprotokoll

Behandling:

Samrøystes vedteke

Vedtak:

Møteprotokoll vert godkjend slik den ligg føre

053/2021: Referatsaker

Behandling:

Samrøystes vedteke

Vedtak:

Referatsaker vert tekne til orientering.

054/2021: Orienteringssaker

Behandling:

Ordføraren orienterte:

Sak gjennomgong av Modalen næringsbygg AS. Ordførar viste til at det kjem ein rapport frå Industriutvikling Vest kor det vert gjeve tilrådingar vedr. seldkapet, samt også innspel til næringsutvikling i Modalen. Rapporten vert presentert for kommunestyret 20. januar 2022.

Rådmannen orienterte:

Etter kommunestyremøtet i dag skal formanskapet handsame kva som vert nemnet på det nye kommunehuset. Det har kome inn 140 ulike forslag.

Det vert arbeidd med å rekruttere til fleire stillingar i kommunen; kantinemedarbeier, kontorfagarbeidar, ass. rådmann. Ny ass. rådmann på plass til ca. 1. april.

Orientering v/ Tone S Skuggevik, teknisk sjef:

Det nærmar seg avslutning, nokre detaljar står att. Kommunen flyttar inn i løpet av kommande veke (frå 13. desember). Frist for asfaltering rundt bygget er satt til mai 2022. Diverse utvendig maling må utsetjast til våren 2022.

Rassituasjonen ved Bryggjeslottet. Skulle ha vore avslutta i inneverande veke. Grunna sjukdom har dette blitt noko forseinka. Planen er å opne Bryggjeslottet rett over nyttår. Driftspersonalet har no tilgang til bygget. Den umiddelbare faren er no over. Det er behov for å gjennomføre oppfriskingskurs for livreddarar før ordinær/offentleg badetilbod i bassenget. Liv Anne Aanesen etterspurde hyppigare informasjon utad til brukarar, gjerne gjennom statusoppdateringar på nettsida.

Håvard Engeseth spurde om det var råd for ulike småverksemdar m.m. å kjøpe seg lunsj i den nye kantina, lage eit samlingspunkt/miljø. Rådmannen takka for innspel, og vil ta dette med i det vidare arbeidet,
Samrøystes vedteke

Vedtak:

Sakene vert tekne til orientering

055/2021: Ny felles forskrift om innsamling og handsaming av hushaldsavfall og delegasjon av mynde for deltakarkommunane i NGIR

Behandling:

Samrøystes vedteke

Vedtak:

Sak 1: Ny felles forskrift om innsamling og handsaming av hushaldsavfall for deltakarkommunane i NGIR

- Forslag til ny lokal forskrift om innsamling og handsaming av hushaldsavfall vert vedteke

Sak 2: Delegasjon av mynde til NGIR:

Nordhordland og Gulen Interkommunale Renovasjonsselskap IKS vert gjeve mynde til å:

- Treffa enkeltvedtak for å ivareta sine oppgåver etter forskrift om innsamling og handsaming av hushaldsavfall.
- Behandla saker og treffa vedtak om dispensasjonar frå forskrift om innsamling og handsaming av hushaldsavfall.
- Behandla saker og treffa vedtak om dispensasjonar frå plikten til å betala renovasjonsgebyr og til å vedta at ein eigedom er omfatta av tvungen renovasjon.
- Behandla saker og treffa vedtak om kontroll og pålegg om endringar knytt til oppsamlingseiningar, hentestader, leveringsstader, køyreveg, åtkomstveg, transportveg og oppstillingsplassar.

056/2021: Forskrift for slamtømming i Modalen kommune

Behandling:

Samrøystes vedteke

Vedtak:

Med heimel i forureiningslova §26, Jf. §30 vert det vedteke lokal forskrift for slamtømming i Modalen kommune

057/2021: Leve heile livet i Modalen - plandokumentet

Behandling:

Ass. rådmann orienterte kort om planen, og viste til kva rolle planen har i forhold til øvrige planar for modalssamfunnet.

Rådmannen supplerte med oppmoding om å mobilisere frivilligheit, pårørande og tenestene i kommunen.

Anne-Britt Almelid var stolt over planen, og tenjer at dette er ein verktøykasse å nytte seg av. Sigrunn Almelid etterspurde om det er etablert teneste som omhandlar individuell plan (rettighetsbasert). Ass. rådmann viste til at dette er m.a. plassert hjå fysioterapeuten på Helsesenteret.

Samrøystes vedteke

Vedtak:

Modalen kommune vedtek planen «Leve heile livet i Modalen» slik han ligg føre.

058/2021: Møteplan vår 2022

Behandling:

Samrøystes vedteke

Vedtak:

Kommunestyret vedtek framlegg til møteplan for våren 2022

059/2021: Budsjett og økonomiplan 2022 - 2025

Behandling:

Økonomisjef Magne Verpelstad presenterte hovudtrekk ved budsjett og økonomiplan 2022 - 2025. Rådmannen viste til at grunna endringar i utvikling av pandemien - og aukte kostnader i samband med dette, er gjeve signal frå statleg hald om at dette også kan komme til å bli kompensert kommunane økonomisk i 2022.

Rådmannen orienterte om at det tidlegare er varsla at det årlege investeringsnivået ville bli føreslått redusert til ca. 3 mill. etter at nytt kommunehus var ferdigstilt. Føremålet er å byggje opp disposisjonsfondet.

Ordføraren føreslo å auke låneopptak frå Husbanken til vidareutlån gjennom startlånordninga frå 1,5 mill. til kr. 2,5 mill. Rådmannen orienterte om at det var behov for tilstrekkeleg storleik på ramme som gjer det reelt å kunne fullfinansiere ny bustad for aktuele søkjarar. Håvard Engeseth uttalte støtte til forslaget frå ordførar, og viste til at det var eit ynskje å yte slik hjelp og støtte til innbyggjarane.

Liv Anne Aanesen ynskje å følge opp arbeid som er planlagt på skuleplassen. Summen på kr. 500 000,- som er ført opp på 2023 vert føreslått flytta til 2022. Lekeplass på Øvre Helland er ynskt iverksatt i 2022 med 300 000,- og kr. 350 000,- i 2023. Føreslår å avvente parkeringsplass vedr. turvegar dagsturhytte som inneber minus kr. 150 000,- i 2022. Rest til oppstart turvegar vert kr. 100 000,- i 2022.

Håvard Engeseth føreslo å få fullført arbeidet på skuleplassen fortløpende og utan opphald. Leikeplassutstyr barnehage kan evt flyttast 1 år fram i tid. Slik kan ein ferdigstille leikeplass Kleivane. Rådmannen viste til at å splitte arbeidspakkar i to byggetrinn fort vert fordyrande. Dette inneber t.d. transport- og reisekostnader. Anne-Britt Almelid ynskjer å fullføre arbeid og ikkje dele opp.

Leikeplassen på Heiane bør ferdigstillast. Ann-jorunn Farestvet viste til at ein ikkje bør dele opp arbeidspakkar, og kan vurdere å flytte investering i barnehagen. Tone S. Skuggevik (teknisk sjef) viste til at det er kome inn tilbod på arbeid knytt til skuleplassen og at det er planlagt ei god oppgradering.

Ein har kome langt med dei løyvingar som allereie er løyvd for 2021. Marit K. N. Nygård ynskjer at det vert prioritert inn overbygg i samband med oppgraderingar, og at ein ivaretek heilskapen i ein samanheng. Ann-Jorunn Farestveit peiker på at det bør halde med kr. 100 000,- på turveggar for å undersøkje nærare kva som er reelt behov. Anne Britt Almelid ynskjer at det vert sett nærare på delen frå parkeringsplass og fram til dagsturhytta, og at denne vert opparbeida slik at også eldre kan komme seg fram. Tone S. Skuggevik meldte at det er lite sannsynleg at kr. 100 000,- (inkl. mva.) vil kunne vere tilstrekkeleg til å kunne få gjort noko.

Det vart halde pause kor framlegg til nytt vedtak vart formulert.
Ordførar tok Liv Anne Aanensen sitt framlegg opp til votering.
Samrøystes vedteke

Vedtak:

1 Modalen kommune sitt budsjett og økonomiplan 2022-2025 vert vedteke slik det ligg føre i tråd med budsjett og økonomiplandokumentet, med desse endringane:

Investeringsbudsjettet:

Beløpet til leikeutstyr/pergola i barnehagen vert flytta frå 2022 til 2023.

Beløpet til dagsturhytta/sti på Nygard for 2022 vert endra frå kr 250 000 til kr 100 000.

Beløpet til uteområdet Mo skule vert flytta frå 2023 til 2022.

2 Eigedomsskatt 2022: For eigedomsskatteåret 2022 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på kraftverk, vindkraftverk og anlegg omfatta av særskattereglane for petroleum».

Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd.

Eigedomsskatten for 2022 forfell til betaling i 2 terminar: 31. mars og 30. september, jfr eigedomsskattelova § 25.

Klagenemnda for eigedomsskatt har kompetanse til å handsame klager etter § 19 i eigedomsskattelova, jfr § 20 i eigedomsskattelova.

Modalen kommune gjennomførte ny alminneleg taksering i 2019. Dette omfattar kraftnettet, då eigedomsskattegrunnlaget for kraftverk er likningsverdiar frå Skatteetaten.

3 Låneopptak frå Husbanken til vidareformidling vert fastsett til kr 2 500 000 for 2022. Lånet er heimla i kommunelova § 14-17 (Lån til vidare utlån). Rådmannen har fullmakt til å gjennomføre låneopptaket og gjere val av vilkår.

4 Betalingssatsar for 2022 vert vedteke i tråd med vedlegget: Modalen kommune – betaling for kommunale tenester 2022.
